

# Pasukan Hijau HE06 peneraju EcoCampus

UM 14.8.2013 26

KOTA KINABALU 13 Ogos - Bagi merealisasikan hasrat Universiti Malaysia Sabah (UMS) menjadi sebuah kampus mesra alam (EcoKampus) pertama di negara ini, Kelab Pengurusan Kewangan dan Perbankan (HE06) Sekolah Perniagaan dan Ekonomi (SPE) universiti itu bertindak memulakan langkah proaktif ke arah itu.

Kelab tersebut mengambil tindakan menubuhkan sebuah jawatankuasa baharu yang dikenali sebagai Pasukan Hijau HE06 yang dirasmikan oleh Timbalan Dekan Hal Ehwal Pelajar & Pasca Siswazah sekolah perniagaan tersebut, Dr. Mohd Rahimie Abdul Karim.

Pengarahnya, Rano Karno berkata, objektif penubuhan pasukan itu menyokong komitmen pihak universiti untuk menjadi peneraju EcoKampus di negara ini selain memupuk semangat sayangkan alam sekitar dalam diri mahasiswa di kampus tersebut.

Katanya, sebagai langkah awal pasukan itu memulakan aktiviti 'hijau' yang melibatkan kutipan kertas dan barangan lama serta terpakai di sekitar kampus pada setiap bulan sejak Februari lalu.

"Perasaan sayangkan alam sekitar harus disemai, dipupuk dan di-



**SEBAHAGIAN** pelajar dan ahli jawatankuasa Pasukan Hijau HE06 yang menjalankan aktiviti mengumpul kertas lama serta terpakai di sekitar kampus UMS, Kota Kinabalu, Sabah, baru-baru ini.

jadikan budaya di kampus ini agar bumi yang kita sayangi ini dapat diselamatkan selain dapat membentuk keperibadian mahasiswa

berpekerti tinggi," katanya yang ditemui di sini baru-baru ini.

Menurutnya, hasil daripada kempen tersebut, para pelajar dan Pa-

sukan Hijau HE06 telah berjaya mengutip sebanyak 428.5 kilogram kertas lama dan terpakai.

Jelasnya, keuntungan yang di-

peroleh hasil jualan kertas lama tersebut digunakan untuk membeli tong sampah kitar semula dan diletakkan di sekitar kawasan sekolah tersebut.

Tambahnya, aktiviti mereka cipta beg kitar semula turut diadakan bagi mewujudkan kesedaran tentang kepentingan menjaga alam sekitar di kalangan para pelajar, di samping menguji tahap kreativiti dan inovasi mereka bentuk beg kitaran semula termasuk menganjurkan pertandingan menghias beg kitar semula.

Sementara itu Ketua Program Pengurusan Kewangan dan Perbankan SPE, Amer Azlan Abdul Jamal berkata, matlamat UMS untuk menjadi sebuah EcoKampus memerlukan komitmen dan sokongan semua pihak termasuk para pelajar.

Sehubungan itu katanya, penglibatan mahasiswa penting dalam memainkan peranan mewujudkan budaya positif itu di peringkat universiti, sebelum dikembangkan di dalam masyarakat.

"Diharapkan melalui usaha sumpama ini dapat memberi kesedaran kepada semua pihak terutamanya kepada golongan mahasiswa tentang kepentingan perlunya menjaga alam sekitar dan sayangkan bumi kita," katanya.